

## I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia

### OGASUN, FINANTZA ETA AURREKONTU SAILA

**Foru Gobernu Kontseiluaren 30/2021 Foru Dekretua, uztailaren 6koa. Onespena ematea interes orokorreko 2021erako xedeen eremuko lehentasunezko mezenasgo jardueren edo programen zerrendari, bat etorritik irabazteko xederik gabeko erakundeen zerga araubidearen eta mezenasgorako zerga pizgarrien uztailaren 12ko 16/2004 Foru Arauak ezarritakoarekin**

Irabazteko xederik gabeko erakundeen zerga araubidearen eta mezenasgorako zerga pizgarrien uztailaren 12ko 16/2004 Foru Arauak arautzen du nola parte hartu behar duen sektore pribatuak lehentasunezko mezenasgo jarduerak eta programak finantzatzen.

Hain zuzen ere, foru arau horren 29. artikulua 1. apartatuak dio Arabako Foru Aldundiak zehaztuko duela ekitaldi bakoitzeko lehentasunezko mezenasgo jardueren edo programen zerrenda, foru arau horretan bertan aipatzen diren interes orokorreko helburuen eremuan.

29.1 artikulua arabera, lehentasunezko mezenasgo jardueretarako eta programetarako izendatzen diren diru zenbatekoek araubide berezi bat dute. Diru zenbateko horiek garbiak eta soilak izan behar dira; ezin dute eduki inolako kontraprestaziorik. Araubide berezi hori honetan datza, laburbilduta:

a) Lehentasunezko zatitza jo diren jarduera edo programetarako diru zenbatekoak gastu kengarri izango dira sozietateen gaineko zergaren oinarria eta establezimendu iraunkorraren bidez jarduten duten ez-egoiliarren errentaren gaineko zergaren oinarria zehazterakoan; enpresarientzat eta profesionalentzat, berriz, pertsona fisikoen errentaren gaineko zergaren zuzeneko zenbatespenaren araubidean.

b) Sozietateen gaineko zergaren edo establezimendu iraunkorraren bidez jarduten duten ez-egoiliarren errentaren gaineko zergaren subjektu pasiboek kendu egin dezakete zehaztutako kuota likidotik lehentasunezko zatitza jotako jarduera edo programetarako diru zenbatekoaren ehuneko 18 (kuota likidua lortzen da, hain zuzen, kuota osoari zergapetze bikoitzari dagozkion zenbatekoak eta, hala balegokio, hobariak kenduta), publizitate babeserako kontratuak direla-eta emandako diru zenbatekoak ere barne direla. 2021. urterako, 18ko ehuneko 23koa izango da.

c) Pertsona fisikoen errentaren gaineko zergaren subjektu pasiboek, zuzeneko zenbatespenaren pean gauzatzen badituzte ekonomia jarduerak, kendu egin dezakete kuota osotik lehentasunezko zatitza jotako jarduera edo programetarako diru zenbatekoaren ehuneko 18, publizitate babeserako kontratuak direla-eta emandako diruak ere barne direla. 2021. urterako, 18ko ehuneko 23koa izango da.

d) Pertsona fisikoen errentaren gaineko zergaren gainerako subjektu pasibo lehen aipatutakoez bestekoek kendu egin ditzakete kuota osotik lehentasunezko zatitza jotako jarduera edo programetarako diru zenbatekoaren ehuneko 30. 2021. urterako, 30eko ehuneko 35koa izango da.

Horiek horrela, foru dekretu honen bidez, zehazten da 2020ko ekitaldirako zer jarduera edo programa izango diren lehentasunezkoak, bai eta zer baldintza eta prozedura ezarriko diren zenbait jarduera lehentasunezko zatitza izendatzeko ere, guztia ere irabazteko xederik gabeko erakundeen zerga araubidearen eta mezenasgorako zerga pizgarrien uztailaren 12ko 16/2004 Foru Arauak 29. artikuluan xedatutakoaren ondorioetarako.

Horrez gain, 2020an lehentasunezko jarduera izaten jarraituko dute Foru Gobernu Kontseiluaren apirilaren 7ko 180/2020 Foru Dekretuan jasotakoek, zeinak onesten baititu Arabako Foru Aldundiari COVID-19 dela-eta emandako zenbatekoei buruzkoan, hark izaera publikoko zerbitzu sozio-sanitarioetarako erabil ditzan.

Zerga Araudiaren Zerbitzuak horri buruz emandako txostena aztertu da.

Horregatik, Ogasun, Finantza eta Aurrekontu Saileko foru diputatuak proposatuta, eta Foru Gobernu Kontseiluak gaur bertan egindako bilkuran gaia aztertu ondoren, hau

## XEDATZEN DUT

### 1. artikulua. Xedea

Foru dekretu honen xedea da betetzea Irabazteko xederik gabeko erakundeen zerga araubidearen eta mezenasgorako zerga pizgarrien uztailaren 12ko 16/2004 Foru Arauaren 29. artikulua luaren gaitzea.

### 2. artikulua. 2020an lehentasuna izango duten jardueren zerrenda

Bat. Ondoko jarduera edo programa hauek izango dira lehentasunezkoak 2020ko ekitaldian, Irabazteko xederik gabeko erakundeen zerga araubidearen eta mezenasgorako zerga pizgarrien uztailaren 12ko 16/2004 Foru Arauaren 29. artikulua luaren ondorioetarako.

a) Gizarte zerbitzuen esparruan:

Gizarte zerbitzuen arloko jarduerak gauzatzen dituzten gizarte izaerako entitate onura publikokotzat jotakoei emandako diru zenbatekoak.

Ondorio horietarako, lehentasuneko jarduerak izango dira soilik hauek:

1. AFARABA Alzheimer eta beste dementzia batzuen elkarteak.
2. «Isabel Orbe» Araban Down Sindromea dutenen aldeko elkarteak.
3. Ongintzako HOGAR ALAVÉS kultur elkarteak.
4. ASPANAFOHA - Haur Onkohematologikoen Gurasoen eta Gaitza dutenen Elkarteak.
5. Arabako Hiesaren aurkako Hiritarren Batzordeak.
6. Adimen desgaitasunen bat duten pertsonen aldeko Arabako Elkarteak (APDEMA).
7. Hartutako Burmuineko Gaitzaren Arabako Elkarteak (ATECE).
8. Usoa Tutoretza Fundazioak.
9. Lankidetzarako ingeniariak elkarteak.
10. Gasteizko Arabako Elikagai Bankua, elikagaiak xahutzearen aurkako Gasteizko elkarteak.
11. Espainiako Gurutze Gorria, Arabako lurralde historikoan garatu dituen jarduerengatik.
12. Gasteizko Elizbarrutiko Caritas, Arabako lurralde historikoan garatu dituen jarduerengatik.
13. Atalaxia-telangiektasia Familien Espainiako Elkarteak, Arabako lurralde historikoan garatu dituen jarduerengatik, Gasteizen egiten den Aitzina Folk Festival jaialdi solidarioa barne.
14. Aspace Araba, elbarritasun zerebralaren eta antzeko gaitzen elkarteak.
15. Itxaropena, ikusmen urritasuna duten pertsonen Arabako elkarteak.
16. Doble Sonrisa Fundazioak.

b) Ingurumenaren esparruan:

1. Arabako Foru Aldundiari emandako diru zenbatekoak, Arabako babestutako naturaguneetako ingurumena berreskuratzeko, onik zaintzeko, ikertzeko eta zabaltzeko programetarako.

2. Arabako Foru Aldundiari emandako diru zenbatekoak, Arabako Lurralde Historikoko foru bizikleta bideak eraiki, hobetu eta onik zaintzeko obrak finantzatzeko.

3. Arabako Foru Aldundiari emandako diru zenbatekoak, Arabako Ibilbide Berdeen Sarea eraiki, hobetu, onik zaindu, sustatu eta zabaltzeko.

4. Arabako Foru Aldundiari emandako diru zenbatekoak, Arabako ingurumenaren osotasun ekologikoa leheneratzeari dagokionez.

c) Garapen teknologikoaren esparruan:

Ikerketa, garapen edo berrikuntza jarduerak gauzatzen dituzten pertsona eta erakundeei emandako diru zenbatekoak.

Ondorio horietarako, lehentasuneko jarduera izango da soilik Eduardo Anitua Fundazioa.

d) Kulturaren esparruan:

1. Arabako Artium Fundazioa.

2. Santa Maria Katedrala Fundazioa.

3. Gasteizko Jazzaldia Elkarte.

4. Gasteizko Arte eta Lanbide Eskola.

5. Gasteizko Arte Sakratuaren Museoa.

6. Arabako Arte Ederren Museoa.

7. Arabako Natura Zientzien Museoa.

8. Arabako Arma Museoa.

9. Arabako Arkeologia Museoa (BIBAT).

10. BIBAT, Arabako Fournier Karta Museoa.

11. EHUri emandako diru zenbatekoak, Iruña Veleiaren eta Arkaiako erromatar termen arkeologia proiektuak gauzatzeko.

12. Artziniegako Etnografia Museoa.

13. Euskaltzaindia.

14. Euskalerrriaren Adiskideen Elkarte.

15. Eusko Ikaskuntza.

16. Arabako Foru Aldundia, euskal kultura ondarea osatzen duten ondasunak zaharberritzeari eta/edo birgaitzeari dagokionez, Arabako Foru Aldundiaren, toki erakundeen, udalen eta kua-drillen jabetzako babes bereziko, ertaineko eta oinarritzko mailetan.

17. Arabako Foru Aldundia, babes bereziko edo ertaineko kultura ondasuntzat jotzen diren arkeologia zonak ikertzeari, berreskuratzeari, hobetzeari, kontserbatzeari, sustatzeari eta zabaltzeari dagokionez.

18. Añanako Gatz Harana Fundazioa.

19. Gasteizko Urrutiko Hezkuntzarako Unibertsitate Nazionalako Gune Elkartua.

20. Azkena Rock Festival sustatu eta antolatzeko ARF Vitoria-Gasteiz SL enpresari emandako diru zenbatekoak.

21. FesTVal, Gasteizko Telebista eta Irrati jaialdia, sustatu eta antolatzeko Fila 2 kultura elkar-teari emandako diru zenbatekoak.

22. Asparreneko Umore Antzerkiaren XXVIII. Jaialdia antolatzeko Asparreneko Udalarari emandako diru zenbatekoak.
  23. Arte eszenikoekin loturiko jarduerak sustatu eta antolatzeko Arabako Foru Aldundiari emandako diru zenbatekoak.
  24. Gasteiz Hiri Napoleonikoen Europar Federazioan sartzearen ondorioz egiten diren jardunetarako Gasteizko Udalarari emandako diru zenbatekoak.
  25. Añanako kuadrilla, Micaela Portilla lantegi eskola dela-eta.
  26. Arabako Foru Aldundia, Arabako lurralde historikoko agiritegian dauden agiri historikoen artxibatzea dela eta.
  27. Arabako Foru Aldundia, Santa Katalina Lorategi Botanikoaren berreskuratzea, hobetzea, zaintza, sustapena eta hedapena dela eta.
  28. AAVOZ-Opera eta Zarzuelaren Araba eta Gasteizko Lagunen Kultura Elkarte.
  29. Sancho el Sabio Fundazioa.
  30. Teatro Paraisori emandako diru zenbatekoak, Haziaraba programak eta Antzerkia Eskolan kanpaina sustatzeko eta antolatzeko.
  31. Porpol Teatrari emandako diru zenbatekoak, Gasteizko Arte Eszenikoen Lantegia sustatu eta antolatzeko.
  32. Panta Rhei Antzokiari emandako diru zenbatekoak, landa inguruneko arteen Festikale jaia sustatzeko eta antolatzeko.
  33. Arabako Ikuzentzunezko Ekoizle Burujabeen Elkarte (APIKA).
  34. Arabako Diseinu Grafikoaren Profesionalen Elkarte (DIGA).
  35. Arabako liburu-saltzaileen gremioa.
  36. Artekale, Euskadiko Kaleko Arteen Elkarte.
  37. Karraskan, Euskadiko berrikuntza kulturaren eta berrikuntzaren kultura sustatzeko elkarte profesionala.
  38. Eskena, Euskadiko ekoizpen eszenikoko enpresen elkarte.
  39. ADDE, Euskal Herriko Dantzako Profesionalen Elkarte.
  40. Euskal Irudigileak (APIE-EIEP), (IRUDIKA, Gasteiz).
  41. Garaion Naturarte Elkarte (Ozaeta).
  42. Moare Dantza Taldea (Azala, Lasierra).
  43. Hunkitu Arte, Poetak maiatzean jaialdiaren proiekturako.
  44. Kultura Kanean! Elkarte Korterraza proiekturako.
  45. Parasite Kolektiboa (Baratza), Festival Zurrumbilo Festibalerako.
  46. Arabako Argazkilaritza Elkarte.
  47. Erakusmeta Kultur Elkarte, Zas kultur espaziorako.
  48. Kultur ACT Elkarte, Artgia Sorgune Aretorako.
- e) Kirolaren esparruan:
1. 5+11 Fundazioa.
  2. Kirolaraba Fundazioa.

3. Gasteizko Martín Fiz Nazioarteko Maratoia egiteko Asociación Cultural Deportiva Maratlón Elkarteari emandako diru zenbatekoak.

4. Arabako lurralde historikoa ordezkatzen duten kirol entitate nazioartean jarduten dutenei emandako diru zenbatekoak. Ondorio horietarako, Sasaki Baskonia SAD soilik izango da lehen-tasuneko jarduera.

5. Arabako Foru Aldundia, Izki Golf gunearen barruan dagoen Urturi golf zelaian lehiaketak egiteko emandako diru zenbatekoengatik.

6. Zuzenak kirol kluba.

7. Zuzenak Fundazioa.

8. Araberri Basket Club-i emandako diru zenbatekoak, gizarteratzeko kirol jarduerak egiteko.

f) Enpresen gizarte erantzukizunaren esparruan:

1. San Prudencio Lan Fundazioa.

2. Arabako Enpresen Gizarte Erantzukizunerako Foroa (FOARSE) Elkartea.

g) Gizartearen esparruan:

1. Fernando Buesa Fundazioa.

2. Saharako Arabiar Errepublikako Demokratikoaren (SAED) Adiskideen Arabako Elkartea.

h) Euskara sustatzeko esparruan.

1. Araba Euskaraz 2021 antolatzen duen erakundeari emandako diru zenbatekoak.

2. Errioxa Kultur-Elkarteari emandako diru zenbatekoak.

i) Interes orokorreko bestelako helburuetako esparruan.

1. Euskampus proiekturako Euskal Herriko Unibertsitateari emandako diru zenbatekoak.

2. Abastos Fundazioari emandako diru zenbatekoak.

3. Vital Fundazioari jarduera hauetarako emandako zenbatekoak: Vital Fundazio Aretoko erakusketak, Astearte Musikalak, Euskal Zinearen Astea, Jaibus Bitak, Vital por Álava programa eta Araba Ekintzailea: Enpresa lasterketa.

4. Tubacex Fundazioari emandako diru zenbatekoak.

5. Diocesanías-Jesus Obrero Fundazioari emandako zenbatekoak.

6. Formula Student Vitoria-FSV ikasle elkarteari emandako zenbatekoak, Formula Student txapelketan parte hartzeko.

7. Asociación ARGIA\_3 kultura elkarteari Gasteizko Argi Jaialdirako emandako zenbatekoak.

Bi. Era berean, lehentasunezkoak dira estatuko eta lurralde historikoetako organo eskudunek halakotzat jotako jarduerak, betiere, batak zein besteak onartutako araudiaren arabera, elkarri hala aitortzen badizkiote Arabako Foru Aldundiak foru dekretu honetan onartutako jarduerak.

### **3. artikulua. Lehentasunezko jarduerak kirol esparruan**

Foru dekretu honen 2. artikuluan kirol esparruan lehentasunezkoak izendatutako jardueraz gain, Arabako Lurralde Historikoko emakumezkoen kirol talde eta atalei emandako diru zenbatekoak, bai eta Arabako Lurralde Historikoan garatutako kirol jarduera eta lehiaketei emandakoak ere, baldin eta haietan emakumeak badira protagonista edo emakumeen parte hartzea eta genero estereotipoak apurtzea eta emakumezkoen ezagutza soziala sustatzen badute berariaz. Hau da, jarduera horiek guztiak lehentasunezko jarduera izango dira kirol esparruan, baldin eta Arabako Foru Aldundiko Kultura eta Kirol Sailak ezarritako baldintzak betetzen badituzte.

#### **4. artikulua. Kirol esparruko lehentasunezko jarduerak aitortzeko prozedura**

Aurreko artikuluan xedatutako ondorioetarako, 2021eko ekitaldian, kirol esparruan beren jarduerak lehentasunezkoak izan daitezen interesa duten pertsona fisikoek eta juridikoek 2021eko abenduaren 1a baino lehen eskatuko diote Arabako Foru Aldundiko Kultura eta Kirol Sailari. Eskaerarekin batera, lehentasunezko jarduera gauzatzen duen erakundearen proiektua ere aurkeztuko da, alegia, lehentasunezko jarduera izan dadila eskatzen duen erakundearena, eta proiektu horrek, besteak beste, diru sarreraren eta gastuen aurreikuspen bat jasoko du.

Euskara, Kultura eta Kirol Saileko foru diputatuaren foru agindu bidez aitortuko zaio lehentasuna jarduera bati kirol esparruan. Horretarako, ezinbestekoa izango da aurreko paragrafoan aipatzen den eskaera aurkeztea eta, foru dekretu honetan ezarritako betebeharrak ez ezik, Arabako Foru Aldundiko Kultura eta Kirol Sailak 3. artikuluan xedatutakoaren arabera ezarritako betebeharrak betetzea.

Ezer ebatzi aurretik, espediente Arabako Foru Aldundiko Ogasun, Finantza eta Aurrekontu Sailari bidaliko zaio.

#### **5. artikulua. Ziurtagiria**

Irabazteko xederik gabeko erakundeen zerga araubidearen eta mezenasgorako zerga pizgarrien uztailaren 12ko 16/2004 Foru Arauak 29. artikuluan jasotako zerga onurak aplikatu ahal izateko, beharrezkoa izango da zergapekoek, foru arau horretan ezarritakoarekin bat etorritik, zergaren autolikidazioaz gainera, ziurtagiria aurkeztea, frogatzeko kenkaria sortu duten diru zenbatekoak lehentasunezko jarduera edo programetarako erabili direla.

Ziurtagiri hori zergapekoek emandako zenbatekoak jasoko dituzten entitateek berek eman beharrezkoa da.

Aurreko 2. artikuluan Bat apartatuaren b) letraren 1., 2., 3. eta 4. puntuetako kasuetan, Arabako Foru Aldundiko Ingurumen eta Hirigintza Zuzendaritzak eman behar du artikuluko honetako lehen bi paragrafoetan aipatzen den ziurtagiria.

Arabako Foru Aldundiko Kultura eta Kirol Zuzendaritzak eman behar du artikuluko honen lehen bi paragrafoetan aipatzen den ziurtagiria, 2. artikuluan lehenengo apartatuaren d) letraren 16., 17., 23., 26. eta 27. puntuetako eta 2. artikuluan lehenengo apartatuaren e) letraren 5. puntuko kasuetan.

#### **6. artikulua. Mugak zerga pizgarriei**

Egindako ekarpena dagokion programa edo jarduera garatu eta egiteko beharrezko inbertsioen eta gastuen batura baino txikiagoa denean baino ez dira aplikatuko irabazi asmorik gabeko erakundeen eta mezenasgorako zerga pizgarrien zerga araubidea onetsi zuen uztailaren 12ko 16/2004 Foru Arauaren 29. artikuluan xedatutako zerga pizgarriak.

Muga hori gaindituz gero, ekarpen zaharrenei aplikatuko zaie zerga pizgarria.

#### **7. artikulua. Foru dekretu honetan jasotako erakundeek emandako ondasunak eta eskaintako zerbitzuak baztertzea**

Irabazi asmorik gabeko erakundeen eta mezenasgorako zerga pizgarrien zerga araubidea onetsi zuen uztailaren 12ko 16/2004 Foru Arauko 29. artikuluan xedatutako zerga pizgarriak ez zaizkie inondik inora aplikatuko foru dekretu honetan lehentasunezko izendatzen diren jardueren erakunde egileek eskaintako zerbitzuengatik edo emandako ondasunengatik egindako kontraprestazioei.

#### **XEDAPEN GEHIGARRIAK**

Lehenengoa. Zenbait kirol jarduera lehentasunezko jarduera izaten jarraitzea.

Foru dekretu honen 3. eta 4. artikuluetan xedatutakoetarako, jarduera hauek lehentasunezkoak izango dira 2021. urtean ere: Araski Elkarteak eta Gaztedi errugbi klubak egindako kirol jarduerak; izan ere, Arabako Foru Aldundiko Euskara, Kultura eta Kirol saileko foru diputatuaren abenduaren 9ko 239/2015 Foru Aginduaren bidez eta abenduaren 15ko 242/2015 Foru Aginduaren bidez 2015. urterako aintzatetsitako kirol entitateak dira.

Bigarrena. 2021erako ere lehentasunezko jardueratzat jotzea Arabako Foru Aldundiak gizarte eta osasun zerbitzu publikoetara bideratu ditzan erakunde horri COVID-19 dela-eta emandako zenbatekoak.

2021erako lehentasunezko jarduera izaten jarraituko du Foru Gobernu Kontseiluaren Arabako Foru Aldundiari COVID-19 dela-eta emandako zenbatekoei buruzko apirilaren 7ko 180/2020 Erabakiz adieraziak, hark izaera publikoko zerbitzu sozio-sanitarioetarako erabil ditzan.

Hirugarrena. 2022rako lehentasunezko jarduera edo programa izateko adierazpena eskatzea.

Foru dekretu honetan dauden lehentasunezko jarduerak eta programak eta araudi honetan ezarritako betekizunak betetzen dituzten eta 2022rako eskatzen diren jarduera eta programa berriak 2022rako lehentasunezko programa edo jarduera izan daitezen, eskaera eta dagozkion agiriak aurkeztu behar dira, dagokion baliozkotzea egin dadin eta lehentasunezko programa edo jarduera izango diren erabaki dadin.

#### AZKEN XEDAPENAK

Lehenengoa. Arauak emateko gaikuntza.

Ogasun, Finantza eta Aurrekontu Saileko foru diputatuari ahalmena ematen zaio foru dekretu hau aplikatzeko eta garatzeko beharrezkoak diren xedapen guztiak emateko.

Bigarrena. Indarrean jartzea.

Foru dekretu hau ALHAOn argitaratzen den egunean bertan jarriko da indarrean, eta 2021. urterako izango ditu ondorioak.

Vitoria-Gasteiz, 2021eko uztailaren 6a

*Diputatu nagusia*

**RAMIRO GONZÁLEZ VICENTE**

*Ogasun, Finantza eta Aurrekontu Saileko foru diputatua*

**ITZIAR GONZALO DE ZUAZO**

*Ogasun zuzendaria*

**MARÍA JOSÉ PEREA URTEAGA**